



Broj: 08-04-11.2-2-245/26
Datum: 11.03.2026. godine

Na osnovu člana 64. stav (1) tačka b), člana 70, stav (1), (3) i (6) Zakona o javnim nabavkama („Službeni glasnik BiH“ broj 39/14, 59/22 i 50/24); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-245/26 od 06.03.2026. godine, u postupku javne nabavke radova na tekućem održavanju objekata, ministar donosi:

ODLUKU **o izboru najpovoljnijeg ponuđača**

Član 1.

Prihvata se prijedlog Komisije za javne nabavke broj: 08-04-11.2-2-245/26 od 06.03.2026. godine i dodjeljuje se ugovor ponuđaču „Bima-AZ Bau“ d.o.o. Živinice, ul. Oslobođenja Blok V, 75270 Živinice u postupku javne nabavke radova na tekućem održavanju objekata, objavljenog na Portalu javnih nabavki broj 1111-1-3-11-3-12/26 od 09.02.2026. godine i ispravke za obavještenje na Portalu javnih nabavki 1111-1-3-11-8-14/26.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-245/26 od 05.02.2026. godine, MUP TK-a je pokrenulo otvoreni postupak za nabavku radova na tekućem održavanju objekata. Na Portalu javnih nabavki objavljeno je Obavještenje o javnoj nabavci broj: 1111-1-3-11-3-12/26 od 09.02.2026. godine i ispravka za obavještenje na Portalu javnih nabavki 1111-1-3-11-8-14/26.

Do krajnjeg roka za prijem ponuda koji je bio 03.03.2026. godine do 11:00 sati, zaprimljene su ponude sljedećih ponuđača: „Global Logistic“ d.o.o. Banja Luka, „Radis“ d.o.o. Istočno Sarajevo, „Dinamico“ d.o.o. Kalesija, „Elektrocentar Petek“ d.o.o. Tuzla, „Termotehnika“ d.d. Tuzla, „Jelovica“ d.o.o. Tuzla i „Bima-AZ Bau“ d.o.o. Živinice.

Na osnovu Zapisnika komisije o pregledu i ocjeni ponuda broj: 08-04-11.2-2-245/26 od 06.03.2026. godine izvršena je analiza ponuda pri čemu je utvrđeno da su ponude ponuđača: „Global Logistic“ d.o.o. Banja Luka, „Radis“ d.o.o. Istočno Sarajevo, „Dinamico“ d.o.o. Kalesija, „Elektrocentar Petek“ d.o.o. Tuzla, „Termotehnika“ d.d. Tuzla, „Jelovica“ d.o.o. Tuzla i „Bima-AZ Bau“ d.o.o. Živinice, prihvatljive za ugovorni organ.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda

u početnoj ocjeni ponuda, te je zakazala početak e-aukcije u sistemu e-nabavke za dan 09.03.2026. godine u 13:00 sati, u trajanju od 10 minuta.

Po zaprimljenom Izvještaju o toku i završetku e-aukcije završene 09.03.2026. godine, Komisija je nastavila sa radom 11.03.2026. godine u 11:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

Red.broj	Naziv ponuđača	Konačna cijena u KM bez PDV-a	Rang
1.	"Bima-AZ Bau" d.o.o. Živinice	67.930,00	1
2.	"Termotehnika" d.d. Tuzla	67.999,99	2
3.	"Dinamico" d.o.o. Kalesija	83.440,00	3
4.	"Jelovica" d.o.o. Tuzla	83.500,00	4
5.	"Elektrocentar Petek" d.o.o. Tuzla	97.884,00	5
6.	"Radis" d.o.o. Istočno Sarajevo	100.000,00	6
7.	"Global Logistic" d.o.o. Banja Luka	100.460,00	7

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku radova na tekućem održavanju objekata dodijeli ponuđaču „Bima-AZ Bau” d.o.o. Živinice, ul. Oslobođenja Blok V, 75270 Živinice, s obzirom da je isti dostavio prihvatljivu ponudu s najnižom cijenom u iznosu od 67.930,00 KM bez PDV-a, odnosno 79.478,10 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 10 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđačima
- a/a



MINISTAR

Nedžad Bristrić